

Vestland fylkeskommune er beden om å gje ei vurdering av tre aktuelle tomter for plassering av dagsturhytte i Osterøy kommune, Basert på samtalar med Ivar Sandgren og Linda J. S. Nordås i kommunen kart, bilder og å ha vore på synfaring saman med kommunen, legg eg til grunn mine vurderingar.

Føremålet med dagsturhyttene er at turmålet skal vere ein stad å søkje ly for ver og vind, ete nista, vere ein sosial møteplass i naturen, der hytta kan vere ein attraksjon i seg sjølv og skal innehalde eit nynorsk turbibliotek. Målgruppa for konseptet er heile befolkninga, men det er eit sterkt ynskje om å nå barn og unge for å legge gode vanar for fysisk aktivitet, lese- og natur-opplevingar. Turmålet bør ligge i rimeleg gå – avstand, dvs. om lag 30-45 minuttar frå startpunktet. Parkeringsplassen bør ha god kapasitet og det bør vere om lag 15 minuttar køyring frå kommunesenteret og det er ein fordel med god utsikt og kunne sjå kommunesenteret. Ein bør vere merksam på sårbart plante- og dyreliv, kulturminne og hytta bør ikkje leggst i allereie etablert stølsmiljø, då dette skapar estetisk konflikt. I tillegg må ein vere merksam på LNF område og ev. søkje om dispensasjon frå dette. Det er mange kriterier som vert lagt til grunn ved utvelging av dagsturhytte og ein vil oppleve at ein ikkje klarar å treffe 100 % på alle kriteria, men finne ei plassering utifrå ei samla vurdering og såleis må noko vektleggast større verdi enn andre kriterier. Ein må heller ikkje sjå på kriteria som absolutte, men retningsgjevande for å kunne ta eit val om ei formålstenleg plassering.

Erfaringar frå Sogn og Fjordane viser at hyttene som har blitt utvikla vidare med tilleggsaktivitetar som sanitæranlegg, hengekøyer, bålpanner, naturleikeplassar, gapahukar for overnatting, malte steinar undervegs, godt tilrettelagde og utbetra stiar med til dømes flis, klopper, grusing m.m., har fått betydeleg auka besøk. Mange av hyttene er lagt på veg til eit anna turmål, altså undervegs, der at dagsturhytta er endestasjon for mange, medan mange går vidare til neste fjelltopp eller neste turmål.

Møtet med Osterøy kommune vart lagt opp til synfaringar på tre tomter;

- Erstadfjellet
- Sjuravika
- Åsheimveten

Vi starta med **Erstadfjellet**, som har flott utsikt, har forholdsvis god nærleik til skular og er allereie godt etablert som turmål i kommunen. Der er god utsikt i alle retningar. Naturopplevinga er flott, med varierende terreng der vi kan gå på både grus, skogsveg, stiar avhengig av kor ein parkerer. Varierende underlag gir grunnlag for nye sanseopplevingar og skapar variasjon. I dette området må det gjerast tiltak for å forbetre stien og auke parkeringskapasiteteten. Detter ikkje avgjerande at må vere på plass frå dagsturhytta er etablert, men må vere ein klar plan for relativt kort tid etter montering av hytta. Med positiv og velvillig grunneigar lar dette seg løyse på ein god måte. Det er lite tre akkurat i området der hytta er tenkt plassert, så krockar for hengekøye er godt innspel til å skape dette som aktivitetselement på hytta. Dagsturhytta vert levert med ovn og ettersom tilgang til ved er litt avgrensa på toppen av fjellet, så bør kommunen vere merksam på å få levert ein palle eller to med ved når hytta vert flydd inn.

Sjuravika er eit turmål som ligg om lag midt i kommunen. Det er tilgang til ved i området til både bålpanne og vedovn. Ved Sjuravika er det nettverk av stiar og der er moglegheiter til å utvikle området ytterlegare og få fram friluftsliv – kvalitetar som gode sansestimulering for både syn, lukt ettersom det er mykje skog i dette området og å kunne overnatte i området enten i telt eller i hengekøye, ev. gapahukar som kan lagast på staden. Det er moglegheiter for å utvikle naturleikeplassar mellom desse trea og fremje balanse og lek. Området har lite eller ingen utsikt mot sjø og busetnad. Der er god parkeringskapasitet og skilta frå denne og fram til turmålet. Der er høve til å fremje friluftsliv som stimulerer og utviklar ferdigheiter innan fisking

og for å handtere båt og fremjar symjedugleik. Underteikna opplever området som eit område med potensiale for å utvikle seg vidare, men mangelen på utsikt er kanskje noko av det svakaste ved denne plasseringa, samt nærleik til skular, barnehagar og busetnad.

Siste området som vart gjort ei vurdering av var **Åsheimveten**. Dette området har god perkeringskapasitet, positive grunneigarar, stien er delvis lagt til rette, området er kjent, har god utsikt i fleire retningar. Området på toppen av Åsheimveten har områder som kan imøtekomme kravet/ønsket om maks høgdeforskjell på 0,3 meter på tomte der dagsturhytta skal fundamenterast. Ettersom der er vedovn i hytta, må det også takast med i vurderinga om der er tilgang på ved i området: På området ved der hytta skal etablerast, er det lite tre, men dette kan løysast ved å fly inn pallar med ved samtidig som dagsturhytta vert flydd inn og montert. Vegtilkomsten til denne hytta er svak og kommunen må vurderer om denne tåler auka trafikk.

Utifrå ei samla vurdering, basert på kriteria som er lagt for konseptet, erfaringar frå Sogn og Fjordane, har Erstadfjellet beste føresetnader, ligg sentralt i kommunen, nærleik til samfunnsfunksjonar som skule og barnehage og dette kan også vere med på å spreie friluftsliv – aktiviteten på fleire område.

Eg vil som idemakar som har utvikla konseptet og prosjektleiar for alle dagsturhytter i gamle Hordaland, rå Osterøy kommune til å velje Erstadfjellet som plassering for dagsturhytta.

Uansett plassering, vil dette bli ein suksess tilsvarande i Sogn og Fjordane, og eg ynskjer lukke til med val av plassering.

Atle Skrede

Seniorrådgjevar, Vestland fylkeskommune

41530716, atle.skrede@vlfk.no